



Meeqqat Ikiortigit
Red Barnet Grønland

Nuuk, 7. maj 2019

Tusagassiutikkut nalunaarut Red Barnet Grønland:

Tassaniittariaqarpugut. Ataatsimoorluta.

Tasiilaq-mi pissutsit pisut aallaavigalugit takutitassiami piviusulersaarummi ”Byen hvor børn forsvinder” takutinneqartut annertuumik Red Barnet-mi aalassatitsippat. Inuit arlaqartut Rikke-tut aammalu Naasunnguaq-tullu sulissuteqartut Kalaallit Nunaanni meeqqat inuusuttullu atugarisaat pitsanngortinniassallugit sulissuteqartut amerlammata. Red Barnet Kalaallit Nunaat qujamasoqaaq inuit sapiissuseqarlutik uummateqarluarlutillu meeqqat inuusuttullu sullittarmatigit. Qujamasuuteqaqaagullu soqutiginnillutik DR maani nunatsinni annertuunik qanoq iliuseqarluta sorsutatsinnut takutitsisimmata.

Nuna najorfingisarput tassaavoq meeqqat tammartarfiat, tamannalu tamatsinnut annernartoqartaqaaq. Inunnik ataasiakkaanik saqqummiussineq avissaartitsinissarlu pisariaqarsorinngilarput. Nukiit atorreqarsinnaasut tamarmik pisariaqartippagut, suliaq annertoq meeqqat inuusuttullu pisinnaatitaaffiisa ingerlatiinnarnissaanut. Pitsanngoriartortoqarpoq, tamanna inuiaqatigiinni misissuinerup 2018-meersup takutippaa, taamaakkaluartooq eqqissilluta pinissatsinnut piffissaanngilaq. Suli meeqqat iluamik toqqissisimanartumillu ineriartornissaat sulissutingalugu sorsuutigisariaqarparput Kalaallit Nunaanni.

Suliarujussuuvoq annertoq, inuunermik imaqarluartumik isumalimmillu meeqqanut inuusuttunullu toqqamaviliinissaq, meeqqat inuusuttullu kinguaassiuutitigit atornerlugaasimasut, persuttarneqarsimasut, aanngajaarniutinik imigassamillu atuisuusunik eqqugaasimasut aammalu peroriartornerminni arlaatigut innarlerneqarsimasut – aamma Tasiilaq-mi. Meeraq inuusuttuarluunniit ikiortissarsiornermini ikiortissaqanngikkaagat ajornartorsiut annertusinnaasarpoq. Soorlulu aamma ajornartorsiut annertoq pinngortartoq ikiorsiissut eqqortoq tunniunneqarsinnaanngikkaagat Inuit isumaginnittoqarfianut nalunaartoqarsimatillugu ikiorneqartariaqartut kalerrinneqarsimagaagata. Tamanna aaqqiivingisariaqarparput-pinngitsoornata meeraq ikioqquppat **tassaniittariaqarpugut.**

Red Barnet Kalaallit Nunaanni isumaqarpugut, Tasiilaq-mi qanoq iliuseqarnissaq siulliunneqartariaqalersoq siumut siuariartortitsinnissamik aallartitsissagaanni. Maannakkut qanoq iliuseqarnerit pilersinneqarsimasut naammanngittutut ernumanartoqartippagut, tassami sumiginnaagaasimanerit annertummata. Imminut toquttarnerit amerlaqisut kisitsisaasa takutippaat tamanna, pingaaruteqarporlu tusarnaartoqarnissaa qanorlu iliuseqartoqarnissaalu. Nunarput akissaqanngilaq qanoq iliuseqanngittoornissaminut, meeqqagummi inuusuttugullu siunissaat eqqarsaatigissagaanni. Kanngutsaattuliortartunik arlaatigulluunniit innarliisartunik pilersitsiuarneqarsimasunik akissaqanngilagut. Aaliangersimasunik sullissisussamik amigaateqartoqarpat taava sulisussanut atugassarititaasut pitsaasut pilersinneqartariaqarput- allamimmi akissaqanngilagut.

Kontakt: Jonna Ketwa, tlf. 246550, mail jketwa@gmail.com